

來青閣集

來青閣集卷六

尾張

永井久一郎 禾原

古今體詩

甲辰
乙巳

甲辰歲旦來青閣偶占

初曦紅上九重天
忽被車聲破曉眠
千里倦游憐我老
萬方多難憶時賢
無窮世事無窮感
又一詩人又一年
咫尺六街塵不到
野梅香動小窓前

詠梅和陸放翁西郊尋梅韻

天下之魁推素艷
妖紅僞紫看卽厭
皎皎仙姿照溪橋
蕭蕭瘦影橫野店
日暮西湖林逋思
春風東閣何遜念

翠袖佳人偶相逢金衣公子休漫覘知經冰霜禁苦寒
豈憑勢氣事奢僭前身明月不待妝通體白玉奚容砑
幾人獨步得自全我輩半生但多欠花時祇宜去住杭
雪後何敢來游剡千樹萬樹望無涯南枝北枝開有漸
今日滿眼花盡開香海連天雪吹灑

檀欒會席上分韻得東此日聞天兵第一捷報喜
而作之

黯澹陰雲壓極東天風一夜送艤艫耳猶未掩奔雷迅
山已如崩怒浪雄聞說奇勳先制海料知威略忽平戎
丹墀奏捷諸公在愧我無詩頌大功

喀喇沁王自北京寄書並見示七律二章次韻奉

答

敢擁詩兵上酒壇老吾吟骨瘦
欒欒懷人魂夢萬山遠
知己心情千載難斯道斯文欽
品藻如蘭如玉拜音翰
眞成字字是珍寶不作賡酬一例看

纔接光儀蓬島濱錦帆去後再逢春
早梅欲寄意難盡
雙鯉遙來情可親探勝曾經滄海水
愛才慣見草萊人
何時能踐當年約紫塞吾爲兔苑賓

春分後二日檀欒會席上限韻

酒閣同君留醉題墨江夢繞去年堤
一城暮雨誰家笛

十里東風幾馬蹄落盡梅花香在水踏來細草綠成泥
春分前後寒猶緊好待清明手重携

玉池仙館席上次夢山韻

紅牆翠閣是誰家一樹疎梅傍水斜滯得餘寒春已半
高枝猶有未開花

天涯草色夢中加倚遍江樓客憶家無賴春寒吹作雨
飛花簾幙響沙沙

清明後五日夢山貴爵招集剪燭吟社諸友雙芝
仙館置酒賞花分韻得豪

風懷未減舊時豪旋怕斜陽照髩毛樹亦如人經歲貴

花眞若雪壓樓高。清吟得意君頻試。深飲聯歡我偶叨。
有盡韶光無盡恨。暮煙吹綠上春袍。

次夢山風字韻君昨自函嶺回

賞花重此一尊同。恰好全開未落中。珍重都門晴半日。
函山日日雨兼風。

誰能忘卻舊簾櫳。燕子雙雙襟認紅。夢裏征人回未得。
滿城柳絮又東風。

又次干字韻

惓惓薄病怯春寒。半啓紅窓偷眼看。記向雨花臺下去。
垂楊綠隔小長干。

初夏來青閣燭集分韻

嫩葉成陰碧滿窓柴門忽聽足音聲梨花雪後寒來去
燕子風前語一雙春色催人空自老暮愁借酒漸能降
難忘蝦筍年年味留客林亭倒玉缸

石埭袖鄉前輩丹羽花南

賢

遺墨來出示同人卽

依韻書感

柳色江域畫裏新酒邊短夢隔輕塵依稀卅七年前事
一樣銷魂又惜春

初夏靜園莊雅集次韻賦呈仙坡主人

勝島仙

滿院海棠花尙殘暮春天氣又輕寒
寒將繡幙移牀坐

照得紅妝燒燭看此夜佳筵成醉易一年好景得詩難
回頭忽惹蒼茫感隣樹隔牆重似巒

分無計延春日可能留少年爲韻得延字

名林春後夏初天燒筍開尊一笑延薄暮鉤簾燈未上
早蛙聲近舊恩田

與同社諸人訪淺野坤山侯長勳別業關門不得入

戲作一絕句卽依其女壻鸞洲韻

諸侯別墅不多存好古風流只老坤翻恐詩人浣樓壁
年年花發便關門

春柳三首次裳川韻

聽盡陽關三疊歌春來不奈別離多
嫩陰經雨遮孤驛
飄絮追風落遠波
小結同心人已去
十圍成老客重過
木猶如此空惆悵
夢裏年光一擲梭

憑欄鎮日費相思
燕子心情那易知
裊翠籠烟如畫好
從風伴雨使人悲
建康城郭水三面
沙嫩樓臺簫一枝
白馬紅船何處去
萬條絲拂小姑祠

裊若游絲輕若塵
東風面面最傷春
水添楊子江頭雨
魂斷長安陌上人
嬌態曾邀梁苑賞
細眉又學楚宮顰
風流不借胭脂色
笑煞杏花來作隣

冷灰招同檀欒吟社諸友泛舟到潯東飲植半樓

卽興有詩次韻如數和之

剛是鶯啼草長辰江東風物屬詩人
高枝猶滯殘花在滿地斜陽惜逝春

女兒情事是嬉春過眼繁華夢似塵
綠意黯然吹欲雨牡丹天氣祭花神

看花三月過中旬一舸空尋前度津
萬片飛紅流不盡仙家自古愛留賓

鶯花總似去年春不奈尊前白髮新
醉倚江樓欄一角看詩誰拂壁間塵

山影依稀水作皺無端紅雨到船脣
一天如夢春多恨

祇合商量與解人

酒間分韻得青

笠屐來尋此水亭長隄雨色午冥冥路從木母寺前轉
草向梅兒墳上青簾幕全沾三面樹楊花已化一池萍
繁華彈指銷魂地懣後風懷似夢醒

玉池老人次韻有詩戲贈小歌校書疊韻和之

倚檻怕看波面皺新詩一唱付櫻脣可憐綠葉成陰處
嬌靨紅同去載人

茗集次松田學鷗

甲韻

雨痕染遍一園紅水榭人憑感慨中杜宇盡情啼不住

相公碑畔落花風

和崑崙百詠四疊韻遙寄葉煥彬吏部德輝于長沙

兼懷易實甫觀察葉煥彬吏部易實甫觀察朱繩卿太守及李佛翼茂才唱和疊韻各成百首彙爲一卷題曰崑崙集付以續集更有再疊韻各

百首吾友白岩子雲自湘歸吏部托寄數部海外同好

唱酬百詠起崑崙一氣雲夢八九吞四傑才情誰得敵
三湘文物世無論湖頭難覓帝仙迹竹上猶留妃淚痕
神往吾曾游歷處詩中總是意中言

長沙詞客倒崑崙筆底波瀾勢欲吞九澤風光詩有恨
三閩心事醉難論君元奇想來天外我只薄游留爪痕
體繼玉溪真巧麗幾回攤卷自忘言煥彬詩設色工麗奇想天開

琵琶一曲憶崑崙豪飲同君傾斗吞湘水烟波勞夢寐
吳江花月費評論扇頭留得舊詩影衣上又添新酒痕
重續金尊銀燭會肝腸如雪記前言

申江逢實甫已七年前矣別時和余
詩題扇見贈有金尊銀燭成佳會又

相看如雪
是肝腸句

爭雄烈國賭崑崙豈許天驕逞噬吞略地功名終是夢
防邊籌策與誰論冰雲紅照萬烽火江草碧深新血痕
萬死唯期關海口遼東一角事難言

芝館燭集次夢山主人韻

綠陰如水染春衣東帝寵恩今已違樓有人憑簾不下
思量底事見斜暉

節近清和也怯風階前芍藥欲翻紅蜨身猶未隨春老
得意飛過嫩綠中

分韻得先

笑吾豪興似當年爲餞徂春只惘然花後筍時幽草地
鶯餘鵲候綠陰天茶烟禪榻尋常事野服朝衫也有緣
痛飲惟應永今夕一尊相倚一燈前

玉池仙館雅筵次韻送王彬園歸四明

雲邊鵲語促君行草色波光一望平千里外今爲醉別
卅年前已慕詩聲誰言富貴如朝露信覺人生是晚晴
笑傲故山宜養老花時後約只關情

寒翠莊雅集賦贈夢舟主人

非雨非晴暖又寒
林光猶未與春殘
嫩陰時節邀新賞
老蜨生涯拾墜歡
竹氣苔香當檻迸
櫻珠梅豆上盤看
夏初有此幽閒趣
不是詩人領略難

夢舟詩成又次其韻

昨日輕陰今日晴
午簾如夢石牀清
草深黃蜨飛藏影
林邃暗泉流有聲
花後酒宜誰與酌
雨前茶好手親烹
斜陽紅到池亭上
話盡十年湖海情

邀飲吟友于來青閣時後庭虞美人草花盛開賦
此索和

四月園林冲澹天一欄猶自駐春妍
臉霞帶雨紅成淚
帳影搖風碧罩烟
傾國佳人眞薄命
托根芳草也前緣
楚宮千古銷魂種
移向江東最黯然

靜園莊雅集次仙坡主人韻

插秧時節近
昨雨入梅霖
窓外移湘竹
簾前聽蜀禽
逢君詩思動
勸我酒杯深
愛此夏初景
田園總愜心

芝館燭集次夢山主人韻

同君昨賦惜春詞
首夏林光已覺遲
竹影當窓碧於酒
一年容易過鵲時

檀欒第二十四集次冷灰主人韻以酬

萬里隨身筆一枝僧家廊壁妓家帷緣奇石上三生話
影冷風前兩鬢絲休道公卿同傀儡應知芥子化須彌
回頭人事總如此痛飲今宵何所思

餘意未盡疊韻補之

高閣吹殘長笛枝夕陽一綫透簾帷裙霞影照紅榴火
衫色涼搖碧藕絲酒國逍遙忘老至詞場落拓愧淹彌
興酣欲續游仙句三十六天空夢思

分韻得虞此夜吃丹荔

酒餘消渴倩誰扶銀盃盛來顆顆珠十載慣嘗丹荔味
吾生此福壓髯蘇